

SOS DJEČIJA SELA BOSNA I HERCEGOVINA



SOS DJEČIJA
SELA
BOSNA I HERCEGOVINA

Poziv za iskazivanje interesa za Konsultanta za pokretanje malih poduzeća

Pozadina projekta

Od 1994. godine SOS Dječija sela Bosna i Hercegovina brinu o djeci i mladima bez roditeljskog staranja i posvećena su radu u oblasti socijalne prevencije. Istovremeno, realizuju različite programe i projekte za djecu i mlade u socijalnom riziku, kao i druge projekte za jačanje kapaciteta institucija i stručnjaka koji rade u okviru sistema za smještaj dece bez roditeljskog staranja. SOS Dječija sela Bosne i Hercegovine omogućava aktivno zastupanje i lobiranje za ostvarivanje prava djece, i u cilju izmjene zakonskih i podzakonskih akata, a cilj izmjena je stvaranje povoljnog ambijenta za pružanje visoko kvalitetnih socijalnih usluga. SOS Dječija sela Bosna i Hercegovina trenutno realizuje trogodišnji regionalni projekat YEOP II- Youth empowerment Enabling Prospects „Jaki mladi- Nova Perspektiva“ koji finansiraju BMZ Ministarstvo za ekonomsku suradnju i razvoj Savezne Republike Njemačke i Hermann-Gmeiner-Fond Deutschland e.V.

Projekat ima za cilj da poboljša izgleda za zapošljavanje i aktivno učešće na tržištu rada za 2.770 mladih u Albaniji, Bosni i Hercegovini, Kosovu, Sjevernoj Makedoniji i Srbiji. U Bosni i Hercegovini projekat je usmjeren na 470 mladih u riziku, koji dolaze iz alternativne brige ili su u nepovoljnom položaju zbog teških porodičnih okolnosti. Uzrast mladih je od 15 do 30 godina. SOS Dječija sela Bosne i Hercegovine implementiraju YEOP II projekat na sljedećim lokacijama: Sarajevo, Tuzla, Banja Luka, Brčko, Zenica i Mostar.

Glavni ciljevi projekta su:

1. Lokalni akteri su profesionalno i finansijski osnaženi u svom radu na socio-ekonomskoj integraciji mladih u riziku.
2. Mladi u riziku su poboljšali svoju socio-ekonomsku integraciju.
3. Kod lokalnih donosilaca odluka podigla se svijest o položaju ugroženih mladih ljudi i svjesni su mogućih strategija za poboljšanje položaja ciljne grupe.

Svrha i opseg usluga

Glavni cilj Projektnog zadatka je realizacija aktivnosti koje će služiti za povećanje poduzetničkih kompetencija ranjivih kategorija mladih učesnika u YEOP II projektu kroz praćenje planiranih aktivnosti u okviru projekta:

Vanjski stručnjak_inja će realizovati program osposobljavanja kroz održavanje najmanje dvije 4-dnevne obuke o poduzetništvu za najviše 20 mladih. Mladi će biti podijeljeni u dvije grupe (oko 8-12 učesnika po grupi). Obuke trebaju biti interaktivne. Kao rezultat obuka mladi će moći izraditi poslovni plan i marketinški plan na osnovu svoje poslovne ideje.

Program osposobljavanja pomoći će mladima da unaprijede svoje poduzetničke vještine kako bi što bolje procijenili poslovno okruženje, stekli osnovna znanja za izradu i korištenje marketinškog plana, razvili vještine za bolje poslovno planiranje kako bi se što bolje pripremili za pokretanje vlastitog posla. Program osposobljavanja obuhvata sljedeća posebna područja:

1. Pojam poduzetništva – osnovna načela poduzetništva, karakteristike poduzetnika, važnost poduzetništva u tržišnoj ekonomiji i sl.;
2. Lične vještine i alati poslovnog planiranja – uvođenje i razvoj poduzetničkih kompetencija, prepoznavanje ličnih poduzetničkih karakteristika, SWOT analiza, razvoj vlastite poslovne ideje itd.;
3. Marketinški plan – koncept, tehnike izrade marketinškog plana, upoznavanje s internet marketingom, njegovim prednostima i promocijom poduzeća, itd.;

4. Organizacija rada i izbor pravnog subjekta – proizvodni/uslužni plan, organizacija i vođenje poslovanja, izbor najprikladnijeg pravnog subjekta, energetska učinkovitost i sl.;
5. Poslovanje – osnovna znanja o operativnim troškovima i isplativosti, početna ulaganja za pokretanje poslovanja, tehnike prodaje;
6. Finansijsko planiranje i prognoza prihoda poduzeća.

Program će se temeljiti na praktičnim vještinama i primjerima kako bi polaznici (mladi) mogli steći suštinsko razumijevanje poduzetništva i tržišnih principa, da bi bili opremljeni znanjem koje će im omogućiti izradu poslovnog plana nakon obuke uz podršku stručnjaka_kinje.

Za treninge se predviđa rad u grupama od oko 8-12 polaznika. Moduli programa osposobljavanja bit će organizirani tako da svaku teoretsku sesiju prati praktična vježba, koja će polaznicima pomoći da u obrascu Poslovna ideja popune taj konkretni aspekt.

Učesnici moraju pohađati četiri (4) dana obuke s ukupno 30 sati, odnosno svaki dan treba se sastojati od sedam i po (7,5) sati efektivnog učenja u trajanju od 45 minuta. Smatrat će se da su samo polaznici s najmanje 100% prisustva od ukupnog broja predviđenih sati osposobljavanja uspješno završili obuku.

Obuka će se održati u prostorijama YEOP II Centra u Sarajevu i /ili prostorijama YEOP II Centra u Tuzli.

Kompanija/tim stručnjaka/ili stručnjak_kinja će raditi pojedinačno sa svakom mladom osobom koja je završila obuku, i to 1,5 radni dan, odnosno 12 sati ukupno, kako bi im pomogao_la u izradi poslovnog i marketinškog plana. Stručnjak_kinja će podržati mlade da prezentiraju poslovni plan pred komisijom za evaluaciju.

Po uspješno završenoj obuci iz poduzetništva i odabranoj poslovnoj ideji polaznici će dobiti rok od 15 radnih dana da u komunikaciji i koordinaciji sa stručnjakom_kinjom izrade poslovni plan, te da ga predaju na ocjenu.

Obrazac poslovnog plana polaznicima daje stručnjak_kinja.

Kompanija/tim stručnjaka/ili stručnjak_kinja će savjetovati mlade i biti njihov mentor u razvijanju vještina za pristup drugim finansijskim resursima za pokretanje poslovanja (država, nevladin sektor).

Savjetovanje i podučavanje (coaching) će se odvijati individualno unutar već planiranih 12 sati po polazniku, a prema potrebi.

Individualno savjetovanje i podučavanje može se provoditi uživo ili online ili u kombinaciji oba pristupa.

Provođenje savjetovanja i podučavanja za pokretanje malih poduzeća podrazumjeva savjetovanja u cilju:

- Identificiranje potencijalnih tržišta i mreže podrške.
- Identificiranje prilike za promociju poduzeća i pronalaženje potencijalnih poslovnih partnera uključujući veze s poslovnim misijama.
- Završno izvještavanje i dokumentacija.

Pored toga, Stručnjak_kinja će pružiti tehničke inpute za poboljšanje poslovnog modela, poslovnog plana, marketinškog plana i posebno poboljšanja ponude vrijednosti, proizvoda/usluga i ciljanih tržišta.

Zadatak će trajati 8-10 mjeseci od datuma potpisivanja ugovora sa SOS Dječijim selima BiH.

Konsultant/ Kompanija će biti odgovoran za isporučene zadatke

- Provesti sve dogovorene aktivnosti
- Planirati konsultacije prema zahtjevima, ciljnoj grupi i ciljevima;
- Dati prijedloge za poboljšanje uspjeha
- Kompanija/Tim stručnjaka/ili Stručnjak_kinja treba da pripremi detaljan plan aktivnosti za svaku aktivnost;
- Koristiti interaktivne metodologije i prema/prilagođeno ciljnoj grupi koja će učestvovati u svakom savjetovanju.
- Pripremiti detaljan narativni izvještaj nakon svake aktivnosti i poslati ga YEOP Projekt menadžeru, kao i finalni izvještaj po završetku zadatka.

Tehnička i finansijska ponuda/dokumenti

Tehnička ponuda treba da sadrži detaljan i interaktivni program konsultacija, plan sesija, detaljan plan implementacije u skladu sa obimom posla, očekivanim rezultatima i zadacima predviđenim ovim dokumentom. Učestalost angažmana i vremenski raspored trebaju biti sastavni dio ponude.

Napomena:

Konačan raspored treba da bude dogovoren između konsultanta i predstavnika SOS Dječijih sela BiH.

Ukupan broj odobrenih radnih dana zavisit će od cijene po danu i raspoloživosti budžeta u okviru trajanja projekta.

Finansijska ponuda mora predvidjeti troškove pripreme i izvještavanja. To bi trebalo biti uključeno u plaćanje za dan/e konsultacija.

Pružaoци usluga će se ocjenjivati u smislu kvaliteta potpune pokrivenosti svih aspekata projektnog zadatka, kao i usklađenosti sa kvalifikacijama kako je ovdje predviđeno.

Finansijsku ponudu treba dostaviti u priloženom obrascu (Aneks A), uzimajući u obzir sljedeća objašnjenja prilikom podnošenja ponude s cijenom:

- Potrebno je da predložite broj radnih dana/vremenski raspored sa opisom glavnih zadataka koji je naveden u Projektom zadatku;
- Potrebno je da predložite svoju profesionalnu dnevnu naknadu u bruto iznosu, koji će se pomnožiti sa brojem dana rada da bi se utvrdio ukupan iznos ugovora;
- Iznos naknade treba navesti u konvertibilnim markama

- Isplate koje treba izvršiti izračunat će se na osnovu stvarnog broja dana rada koje će konsultant uložiti i prijaviti (preko radnog lista i izvještaja o napretku) za ispunjenje/isporuku odgovarajućih aktivnosti/rezultata. Broj dana rada koje konsultant treba prijaviti ne može biti veći od broja dana rada odobrenih za izvršenje/isporuku odgovarajućih aktivnosti/rezultata.
- Jednom predložen i prihvaćen, iznos naknade se ne može mijenjati.
- Finansijsku ponudu dostaviti putem priloženog (Aneks A) obrasca.

Iskustvo/kvalifikacije

Kompetencije

- Odlične komunikacijske i facilitacijske vještine;
- Odlično poznavanje rada na računaru, sposobnost korištenja informacione tehnologije kao alata i resursa;
- Odlične analitičke sposobnosti;
- Pripremljenost za rad sa mladima u riziku i mladima različitog kulturnog porijekla.

Potrebne vještine i iskustvo

Eduktor_ica angažiran da preuzme zadatak mora ispuniti sljedeće minimalne uslove:

- Najmanje univerzitetska diploma, magisterij i doktorat će se smatrati prednošću;
- Najmanje 3 godine iskustva u izvođenju sličnih obuka, u različitim programima obuke iz oblasti poduzetništva,
- Iskustvo u razvoju poslovnih vještina, poslovno mentorstvo, pokretanje poslovanja, razvoj poslovne ideje/plana i evaluacija;
- Najmanje 5 provedenih obuka (u trajanju od jednog ili više dana) u poslednjih pet godina iz oblasti poduzetništva, razvoja poslovnih vještina, pokretanja (start-up) poslovanja, izrade poslovne ideje/plana i evaluacija za veću grupu polaznika (reference treba da budu navedeno u biografiji);
- Dokazano iskustvo u izradi poslovnih planova; i/ili praktično poslovno iskustvo u privatnim kompanijama.
- Ako educator_ica ne ispuni neki od gore navedenih minimalnih uslova, tabela evaluacije neće sadržavati bodove i dovest će do diskvalifikacije ponude.

Ponuda treba da sadrži:

- Jasan dokument ponude (tehničke i finansijske) koji objašnjava metodologiju i pristup;
- Izražavanje interesa za pružanje konsultacija kojim se objašnjava kako iskustvo stručnjaka/konsultanta odgovara traženim kvalifikacijama i, ako ga ima, prethodnom iskustvu u organizovanju planiranih aktivnosti sa sličnim zainteresiranim stranama;
- Sastav radnog tima (ako je primjenjivo), uključujući ulogu svakog člana;
- CV koji ističe stručnost kompanije/tima stručnjaka/stručnjaka_kinje.
- Popunjena i potpisana Finansijska ponuda (Aneks A)

Svi zainteresovani se mogu javiti na e-mail adresu: tatjana.rukavina@sos-ds.ba i dobiti detaljan ToR i Aneks A, a kompletirane ponude treba dostaviti do 15.11.2024. godine na e-mail: neda.zgodic@sos-ds.ba

Ili na adresu: SOS-Kinderdorf International, Semira Frašte bb, 71000 Sarajevo

